

<http://ugtg.org/spip.php?article1342>



# LKP : Déklarasyon Souvrennté kiltirel

- Dossier spécial LKP - Expressions -



Date de mise en lignemardi 9 novembre 2010

Date de parution21 octobre 2010

---

Copyright © UGTG.org - Tous droits réservés

---

**NOU,**

**Moun GWADLOUP**

**ka déklaré :**

**Awtik 1 :**

Wi nou sé on sèl Nasyon anlè chimen a nèg mawon

ki péte chenn kon Inyas.

**Awtik 2 :**

Nou ka palé é maké lang an nou Kréyol,  
tout koté an GWADLOUP é asi latè.

**Awtik 3 :**

Nou ka travay tè, manjé silon laliwondaj an nou,  
kyouyé bèt an-nou silon mès é labitid an nou.

**Awtik 4 :**

Tousa sé Ka, matris a tout zanfan Gwadeloup.

**Awtik 5 :**

Nou ka débatizé lari otila ni non a kolon malfètè, asasen é volè.

Pou nou ba - yo non noumenm an nou. Non a Nèg, non a Zendyen,  
non a Blan Gwadeloup,  
é non a tout dàt nonm ki woulé pou wouvè lèspwi a nonm asi Latè.

**Awtik 6 :**

Nou ka mandé, ki sé radyo, ki sé télé é ki tout larèstan moun ka bay lavwa  
asi sa ki  
Gwadeloup poubon, yo voyé douvan nanm a pèp - la. Kivédi, yo pa andwa mouchté  
dékatman an nou é opoze nou di, sa nou yé.

**Awtik 7 :**

An liyannaj avè travayé é pèp okonba adan LKP, nou ka é ké, fè tou sa ki fo, lè é la i ké fo pou opozé tout kalité lotorité, tout kalité dot nasyon mété lanmen asi pawèl maké - lasa. Davwa, se pawôl maké - lasa, sé yo ka wouvè lawonn a nanm Gwadeloup.

Lapwent, 21 011TiIB 2010.

LKP

*Dapwé dwa tout nonm ki nonm tini dépi i fèt nonm,*

*Dapwé Déklarasyon a Nasyon Mandé dépi 1212 pou tolérans é libèté kalanswa ras a-w,*

*Dapwé chimen a lonné é respé Inyas montré an Oktòb 1801,*

*Dapwé Déklarasyon Delgrès té maké « dennyé espwa »,*

*Dapwé chimen a nèg mawon ki kontinyé goumé èvé solidarité a karayib-nèg,*

*Dapwé tout travay lé vayan mèt tanbouyé, chanté, maké, poét natif natal,*

*Dapwé konba agrilkiltè, péyizan é ouvriyé nèg, zendyen é blan menné dépi anba jouk a kolon-la jis an 1910, 1925, 1952, 1967 é adan platfom a LKP an 2009,*

*Dapwé déldarasyon kiltirel a Mouvman Kiltirel Akiyo é Mouvman kiltirel Voukoum a 2001,*